

بِسْمِ اللَّهِ الرَّحْمَنِ الرَّحِيمِ

SYLLABUS TARBIYYAT

2026



Et banne ki litté pou Nou cause – certainement
Nous pou guide banne-la lor Nou banne simés.
(Quran, 29:70)

Contenus

01

Introduction a Syllabus Tarbiyyat

02

La liste banes abréviations

03

Ahad Lajna Imai'llah

04

Terme 1- Réseaux Sociaux- L'effet ek l'utilisation

15

Terme 2- Le Mariage en Islam

Introduction a Syllabus Tarbiyyat

- Sa Syllabus la li pou période de Février à Aout 2026.
 - Li ene guide pou banne Secrétaires Tarbiyat local pou zotte prépare banne classes Tarbiyyat pendant l'année, couma ti fini annoncer pendant le *Refresher Course*.
 - Dans sa syllabus la ena banne ressources ki banne secrétaires Tarbiyat pou servi dans faire sa banne classes la.
 - Syllabus la li diviser en 2 termes, donc bisin faire 1 classe tarbiyyat dans chaque terme.
 - Bisin couvert **tous** banne contenus ki ena dans sa syllabus la pendant banne classes.
 - A part banne contenus ki ena dans syllabus la, banne sadr kapave organise banne activités additionel, dependant de préférences ki zotte membres ena.
 - Li pou aussi disponible a tous banne membres afin ki zot kapave lire et mettre en pratique ceki ena ladans.
 - Nous faire dua ki Allah mette *barakat* dans tous zeffors ki nous faire et ki sa Syllabus la vinne ene moyen pou nous faire Tarbiyyat de banne lajna d'ene meilleur façon.
- Ameen.

La liste banne abréviations

Banne secrétaire Tarbiyat et Sadr bisin assurer ki banne membres prononce banne abréviations dans zotte formes complets :

SAW/SA Ene abréviation pou ***Sallallahu alaihi wa sallam***

ki veut dire, La paix et bénédictions d'Allah lor li, ki finne écrire après le nom du Saint Prophète (saw)

AS Ene abréviation pou ***Alaihissalam***

ki veut dire La paix lor li, ki finne écrire après le nom de banes Prophètes apart le Saint Prophète (saw) et pou banes madames pieuses avant l'époque du Saint Prophète (saw).

RA Ene abréviation pou ***Radiallahu anhu/anha/anhum***

ki veut dire, ki Allah sois contan de li/zotte, ki finne écrire après noms de banes Compagnons du Saint Prophète (saw) et banes Compagnons du Messie Promis (as).

RH Ene abréviation pou ***Rahimullah,***

ki veut dire, ki Allah ena pitié lor li, ki finne écrire après noms de banes Musulmans pieux ki finne décédés mais ki pas ti banes Compagnons.

AA/ ABA/ ATBA : Ene abréviation pou ***Ayyadahullahu' Ta'Ala bi Nasrihil Aziz***

Ki veut dire, ki Allah accorde li So l'aide Divine, ki finne écrire après nom de nous Khalifa actuel.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ

**Ash-hadu alla Illaaha illa-llaahu Wahdahoo Laa
Shareeka Lahu Wa-Ash-hadu Anna Muhammadan'Abduhoo Wa
Rasooluhu.**

Mo attester ki pena personne digne d'adoration excepter Allah. Li Ene. Li pena partenaire. Et mo attesté ki Muhammad (saw) so serviteur et messazer.

میں اقرار کرتی ہوں کہ اپنے مذہب اور قوم کی خاطر اپنی جان، مال،
وقت اور اولاد کو قربان کرنے کے لئے ہر دم تیار رہوں گی۔ نیز سچائی
پر ہمیشہ قائم رہوں گی اور خلافتِ احمد یہ کو قائم رکھنے کیلئے ہر قربانی کے
لئے تیار رہوں گی۔

ان شاء الله

**Mein Iqraar karti houn ké apné mazhab aur qaum ki khaatir apni Jaan,
Maal, waqt aur awlad ko Qurban karné ké liyé har dam tayaar rahoungi.
Neiz sachaayi par hameisha qaim rahoungi aur Khilafaté Ahmadiyya ko
qaim rakhnē ké liyé, har Qurbani ké liyé tayaar rahoungi. Insha'Allah**

« Mo affirmé ki mo pou toujours prête pou sacrifier mo lavi, mo dibien, mo le temps et mo zenfans pou la cause de la foi et de la nation. Mo pou toujours marche lors la vérité et mo pou toujours prête pou fer tou sacrifice pou la continuation de khilafat-e-Ahmadiyya, InshaAllah. »

Terme 1 : Fevrier- Mai
2026

Réseaux sociaux – L'effet ek l'utilisation

1. Tilawat Quran: Chapitre 13 Versets 27 à 30 et traduction en Urdu et Cr  ole

2. Ahad et dua

3. Short welcome speech by branch Sadr.

4. Nazm

5. Tarbiyat program- To be carried out by a moderator (appointed by the Branch Sadr) :

Introduction

Azordi, nous pé vive dan ene lepok kot technologie fine vine ene partie normale de la vie quotidienne, ki li pou banne adultes ou banne zenfants.

Internet, t  l  phones, tablettes ek banne r  seaux sociaux fine vine faciles pou acc  der, mais en m  me temps zot am  ne banne d  fis s  rieux lor moralit   ek la sant   mental de nou banne zenfants. Beaucoup kitsoz ki zot p   trouver ek tender ki pa adapt   pou zot l  ge, et souvent sa arriver sans ki parents m  me conn  .

L'Islam donne boku l'importance lor prot  ge la moralit  , puret   ek bien-  tre mental banne zenfants, parski c'est zot g  n  ration future de la soci  t  . Si nous pas vigilant, sa banne influences n  gatifs la kapav affect   zot pens  es, zot comportements ek zot relation envers lezot. C'est pour sa ki banne conseils de Huzoor (atba) lor sa sujet la bien important pou chaque parent ek membre Lajna.

Sa section la pou aide nous comprend banne dangers ki exister zordi, ek couma nous capav prot  ge nou banne zenfants afin ki zot grandi dan ene environnement sain, moralement fort, ek rapproche zot avek Allah.

L'effet lor moralit   de banne zenfants

Dans so discours pendant Lajna Ijtema 2021, Huzur (atba) ti dire :

« Dans le pass  , mo ti conseille banne parents Ahmadi pou faire bien attention a ceki zot ek zot banne zenfants p   geter lor t  l  vision, et pou limite quantit   le temps zot passer lor la. Mais, aster le monde finne ale bien plus loin ki sa. Pena zis le risque pou trouve banne contenu inappropri   lor t  l  vision ; zordi, banne zenfants p   expos   a ene quantit     norme de contenu lor internet, lor YouTube ek lor banne diff  rents r  seaux sociaux. Banne zenfants p   get contenu lor zot telefon, laptop ek tablette, souvent sans ki zot parents koner, et

zot-meme pena contrôle lor seki zot pé trouver. Par exemple, kan zot pé stream ene video ou pe zuer ene jeu en ligne, banne pop-up apparait souvent, ki pe promote banne produit dangereux ou montrer banne contenu obscène, ki moralement destructif ek pa ditout approprié pou zot l'âge. Sa li ene situation extrêmement inquiétant.

Ena banne rapport ki montrer ki banne zenfants finne get contenu inapproprié, mais zot kapav immédiatement change li pou ene programme ki paraite inoffensif kan ene adulte rentrer, alor ki banne adulte pana aucun idée de ceki finne passer. C'est pou sa banne raison la ki mo finne ress avertir lor banne dangers de internet ek réseaux sociaux. »

Reference: <https://www.reviewofreligions.org/34506/safeguarding-yourself-from-the-toxic-glamour-of-the-world/>

L'effet lor la santé mentale

Huzur (atba) finne aussi ajouter ki :

« Depuis plusieurs années, mo pe dire ki n'importe ki sanla ki pe servi Facebook, Twitter ou lezot plateformes public, bizin faire bien attention, et aster buku l'études finne prouve gravité et mauvais conséquence de banne réseaux sociaux lor banne zenfants ek lor la société. Zot finne montrer ki plusieurs centaines de milliers, et mem de millions zenfants dans le monde, finne subir banne dégâts sérieux akoz utilisation internet ek réseaux sociaux. Li bien connu ki sa banne plateformes la finne être conçu dan ene façon ki rendre dimoune dépendent lor la, et parey couma n'importe ki addiction, so banne conséquences bien terrible.

Par exemple, bien recemment, ene rapport du Wall Street Journal finne révéler ki Instagram, li appartenir a Facebook et li ti essaye cachette so propre étude interne, parski sa l'étude la finne prouver ki l'accès a sa plateforme la ti pe cause ene niveau d'angoisse énorme ek lezot problemes la santé mentale parmi banne zenfants ek adolescents. Sa rapport la finne montrer ki parmi banne zenfant dan Royaume-Uni, ena boku ki ti développe banne pensées suicidaires. 13% ti admette ki c'est zot utilisation de Instagram ki finne pousse zot pou pou gagne banne telles pensées. »

Reference: <https://www.reviewofreligions.org/34506/safeguarding-yourself-from-the-toxic-glamour-of-the-world/>

Discussion

- Lister trois plateformes réseaux sociaux ki kapav ena contenu dangereux pou banne zenfants.
- Lister trois signes ki montrer ki ene zenfant pe cachette depi so parents kan li servi sa banne plateformes la (pe servi sa banne platforme la en cachés).
- Lister trois changements dan comportement ki kapav montrer ki ene zenfant kapave pe souffert mentalement akoz banne réseaux sociaux.
- Lister banne façons ki nou kapav encourage nou banne zenfants pou **pa** servi sa banne réseaux sociaux la. (Par exemple : garde zot occupé avek bann sports physiques, passe letemps avek zot, assiz avek zot ek encourage zot pou get bann programmes MTA.)

Réflexion personnelle (à la maison)

Eski nou, en tant ki parents, pe donne bon lexemple a nou banne zenfants par pa servi sa banne plateformes la dans banne mauvais façons nous-même?

Meilleur façon pou enseigne banne zenfants c'est par donne bon lexemple.

Eski nou assez proche ek assez ouvert avek zot pou ki zot senti zot a l'aise pou vinne discute seki zot pe geter, ou pou partage banne inquietudes ki zot kapav ena concernant sa banne sites la?

L'effet de banne réseaux sociaux lor banne adultes

Dans so discours pendant Ijtema Lajna 2021, Huzur (atba) ti aborde question lor utilisation de banne réseaux sociaux par banne adultes ek ti conseiller ki nou bizin plutôt accède à banne contenu ki augmente nous connaissance.

Li fine dire :

« Pou revinne lor question télévision, internet ek reseaux sociaux ki mo ti mentionner pli bonheur, si zot envi sauve zot-meme ek zot famille contre banne effets négatifs, zot bizin agir avek sagesse. Get banne contenu ki augmente zot connaissance ek zot comprehension lor le monde ek lor creation Allah. Kan zot ena letemps libre, zot kapav get contenu pli leger ou banne comedies, mais choisir banne programmes ki décents. Avant tout, pa get banne kitsoz ki éloigne zot d'Allah, parski si zot faire sa, au lieu ki zot amene lezot dimoun vers Allah, c'est zot meme ki pou éloigner de Li. »

Ref: <https://www.reviewofreligions.org/34506/safeguarding-yourself-from-the-toxic-glamour-of-the-world/>

<https://www.reviewofreligions.org/34506/safeguarding-yourself-from-the-toxic-glamour-of-the-world/>

A ene lot l'occasion en 2015, kan Huzur (aba) ti pe koze lor banne mauvais effets de Facebook, li ti dire :

« Facebook li dépasse tous banne limites en ceki concerne la vie privé de banne dimoune. Li expose banne zaffaire personnel de banne dimoune ek li encourage l'indécence. Créeur de Facebook, li meme finne dire ki li finne créer sa parski li trouver ki la vie de banne dimoune bisin vine au grand jour ek exposer a lezot. D'apres so l'intention ki li ti ena par derrière création de Facebook, sa veut dire ki si ene dimoune envi poster ene photo nu de li meme, li libre pou faire sa ; ek li meme encourage lezot pou commente lor sa, li considère tousa permissible. *Inna lillahi wa inna ilayhi raji 'oun*. Pareil couma sa, n'importe ki sanla kapav poster n'importe ki contenu li trouver lor internet, pena aucun restrictions. Si sa pa appelle régression et dégradation morale extrême, alors ki li été ? Dans ene tel état de régression ek dégradation morale, ene Ahmadi bizin montrer ki li ena ene niveau de moralité bien plus élevé ki lezotte dimounes. »

(Ref: <https://www.reviewofreligions.org/25550/think-you-know-about-social-media-think-again-says-netflix-the-social-dilemma/>)

Discussion

- Lister banne effets négatifs de l'utilisation réseaux sociaux.
- Lister lezot plateformes alternatives ki amène banne bienfaits spirituel.
- Discute lor banne l'effets de sa banne plateformes la lor banne familles ek mariages, lor la santé mentale ek lor taqwa (crainte d'Allah).
- Ki ou compran par sa verset la : « *Prête attention, dans mazine Allah-Même ki lé kéré gagne tranquillité* »

أَلَا بِذِكْرِ اللَّهِ تَطْمَئِنُ
الْقُلُوبُ

Prête attention, dans
mazine Allah-Même ki lé kéré
gagne tranquilité

[Quran 13:29]

Kan nou réfléchi lor sa verset la, nou comprend ki sa pa zis ene verset du Saint Coran. Au contraire, l'experience banne dimoun pieux ek ki ena taqwa dans la Communaut, zot témoigner ki vrai satisfaction ek la paix interieure gagner seulement a travers l'adoration ek souvenir Allah, et non pas a travers banne divertissements inutiles ou banne moyens de plaisir superficiels.

Purdah lor banne réseaux sociaux

En ceki concerne purdah lor banne réseaux sociaux, Huzur (atba) finne dire dans so Khutbah adresser à banne Lajna pendant Ijtema UK 2021 :

« Garde bien en tete ki n'importe ki limite ki l'Islam ine mette lor zot, c'est pou protege zot l'honneur ek pou garde zot contre banne dangers ki exister tous les jours dans la société. Nous pe vive dans ene telle société kot banne madames souvent faire face à harcelement, abus ek exploitation. En ceki concerne zot l'éducation, zot bizin vise pou exceller ek vinne le meilleur ki zot kapav, mais en meme temps, évite banne contacts inapproprié ek inutile avec banne garçons ek missiers lor banne réseaux sociaux ou autrement. Finne ena bann témoignages couma banne relations inappropriés finne amène buku du tort. Servi zot l'éducation ek lezot opportunités pou améliore zot meme, mais jamais pas laisse sa banne libertés la vinn ene malédiction pou zot ek lezot. »

C'est pou sa ki Huzur (atba) finne toujours conseille nou pou servi sa banne technologies la avec prudence.

Ref: (Hazrat Mirza Masroor Ahmad aa, Social Media, p. 36) <https://www.alhakam.org/opinion-compromising-our-data-the-new-gold/>

Donc, mauvais utilisation de certains inventions technologie dans l'époque actuel, zot parmi banne attaques de Shaytan. C'est pour sa ki chaque tifi Ahmadi bizin faire zeffor pou protège li-même contre sa. Bisin tout le temps rappel ki zotte banne Ahmadi, et pou reste ene Ahmadi, bisin resse loin de sa banne immoralités la.

Pendant virtual mulaqat de banne membres Lajna de Pays-Bas avec Huzoor (aba) le 22 août 2020, Huzur (atba) finne dire :

‘L'injonction de purdah li pas applicable ziss à la Jama’at Ahmadiyya. Bisin éduque banne Nasirat et Lajna bien lor sa kitsoz la ki l'injonction de purdah li finne donné par le Saint Coran. Li ene commandement d'Allah et de So Messager (saw).’

Réflexion personnelle (à la maison)

- Eski nous obéissant envers nous Khalifa et eski nous pé marche lor chemin de la droiture ?
- Eski nous objectif c'est cherche le plaisir d'Allah ?

Conclusion

Donc, banne membres de la Jama’at bizin agir selon banne commandements d’Allah et de So Messager (saw). Sa c’est banne injonctions ki clairement mentionnés dans le Quran. Ena plusieurs injonctions et commandements importants, clairs et sans ambiguïté ki mentionnés dans Qur'an, et purdah li parmi sa banne injonctions-la.

C’est pour sa raison-la ki nous mette autant l’accent lor sa. Si sa injonction la ti sorti depi ene text normal, alors ti kapave penser ki kapave observe purdah dans certains places et dans lezott place pas nécessaire. Mais puisque sa li ene injonction catégorique ki finne donné dans Quran, nous obliger agir selon li et aussi inculquer sa dans lezot. Bisin explique sa bann zafaire la a banne tifi d’ene manière claire. Coumsa, zot pou incliner vers le purdah.

En réalité, kitsoz principal c’est ki zotte bizin inculquer dans zot, ki la modestie li faire partie de la foi, couma mentionné dans ene hadith. Kan banne tifi pou adopter la modestie be lerla, automatiquement zotte pou incliner vers l’observance de purdah. Lerla, que ce soit banne étudiantes universitaires (ou lezot), zot pou reste dans zot limites de modestie et zot pou toujours conscient de zot habillement et comportement.

Ki Allah aide nous tous accompli nous responsabilités. Ameen.

6. Additional activities (Quiz/ Fun games etc) – To be organised as per members’ preferences.

--End of Tarbiyyat Class--

Terme 2 : Juin- Aout
2026

Le Mariage en Islam



1. Tilawat Quran: Chapitre 4 Verset 2 et traduction en Urdu et Cr  ole

2. Ahad et dua

3. Short welcome speech by branch Sadr.

4. Nazm

5. Tarbiyat program- To be carried out by a moderator (appointed by the Branch sadr) :

Le Mariage en Islam

Mariage li ene Sunnah (pratique du Saint Prophète (saw)) dans l'Islam. Li pas seulement protège la structure morale de la société, mais li aussi protège banne madames et génération future, en donnant stabilité et ene atmosphère positive dans ene foyer. Mariage, et l'unité familial, zot très important dans l'Islam. Pou sa topic la, nous pou mette en avant banne instructions de nous bien-aimé Huzoor (aba) ki pou aide banne Lajna pou maintenir ene relation positive et respectueuse avec zot époux. En faisant sa, missier et madame tous les deux vine banne modèles positifs pour banne zenfants et créer ene atmosphère harmonieuse dans lakaz pour tous banne membres, InshaAllah.

Dans Quran, Allah Ta'ala dire :

يَتَأَيَّهَا النَّاسُ أَنْقُوا رَبِّكُمُ الَّذِي خَلَقُوكُمْ مِّنْ نَفْسٍ وَحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءلُونَ بِهِ وَالْأَرْزَاقَ إِنَّ اللَّهَ كَانَ عَلَيْكُمْ رَّقِيبًا

O banne dimounes! Craigne zot Seignére Ki finne crééé zotte d'ène sél être et Ki finne crééé dépi ça-même, so compagne et Ki dépi ça dé-là, Li finne répanne boucoup zommes ék madames. Et craigne Allah Ki — avec So nom-même zotte faire appel ène are l'aute et craigne Allah sirtout concernant banne liens parenté. En vérité, Allah sirveille zotte. (Surah An Nisa, Chapitre 4 Verset 2)

En commentant lor sa verset la, Hazrat Musleh Maoud (ra) finne dire:

Banne mots نَفْسٍ وَاحِدَةٍ *Nafsin Wahida*(une seule âme) capav signifier :

- (1) Adam ; ou bien
(2) missier et madame ensam, parski kan deux kitsoz accomplir ene seul fonction

ensam, capave considère zot comme ene seul.

L'expression “ **et Ki finne crée dépi ça-même, so compagne** ” pas veut dire ki finne crée madame depi le corps ene missier, mais sa veut dire ki li appartenir à la même espèce et même genre ki l'homme, et li ena même nature et mêmes dispositions. Sa expression-la vinne clair kan nous trouver ki dans lezot place dans Quran finne mentionner :

“ *Et Allah finne faire pou-zotte, banne compagnes d'ente zotte-mêmes* ” (Ch 16 V73) ; et aussi :

“ *Li finne faire pou zot-bénéfice, banne couples d'ente zotte-mêmes et d'ente banne bétails oussi Li finne faire banne couples.* (Ch 42 V12).

Sa veut dire ki, couma pou tous lezotte êtres humains, ti finne donne Adam ene madame depi so propre espèce.

En aucun cas, Quran pas finne mentionner ki Ève ti créer physiquement à partir de côté d'Adam. Au contraire, le Qur'an répète clairement ki tous banne êtres vivants fine créer en paires. Donc, parey couma chaque créature finne gagne so compagnon, Adam aussi fine gagne so compagne.

Finalement, dans sa verset la, le Qur'an finne mentionne “la crainte d'Allah” ensam avec “ respect de banne liens familiaux”, en soulignant l'importance de la bonté et responsabilité ki missier et madame ena, surtout dans le mariage. C'est pour sa raison-la ki le Saint Prophète (saw) ti récite sa verset-là pendant banne Khutbah Nikah, pou rappelle missiers et madames de zot devoirs l'ene envers l'autre.

En 2021, Huzoor (aba) fine mentionne sa verset-la dans so discours de Jalsa UK côté Lajna :

“Alors, li vine clair ki missier et madame fine créer à partir d'ene seul être. Bien ki zot deux genres différents – ene missier et ene madame – zot appartenir à la même espèce. Tous les deux ena sentiments similaires – si ene missier ena capacité mentale ou ene certain compétence, ene madame aussi capav ena sa. Si ene missier ena émotions, ene madame aussi ena émotions. Tous les deux ena sentiments pareils – si ene missier ena sentiments, ene madame aussi ena sentiments.

Au commencement de Nikah, souvent expliquer ki droits banne madames ena. Banne missier bisin rappel ki li pas correct pou zot dire ki banne madames pena intelligence et ki banne missier kapave domine zot couma zot envi. Banne madames ena émotions, sentiments et zot capav réfléchir par zot-mêmes. Donc, bisin considère banne madames parey couma banne missiers, et non pas comme inférieures.”

Ref: <https://www.alislam.org/true-emancipation-through-the-everlasting-teachings-of-islam-english-translation-of-huzoors-address-in-ladies-session-of-jalsa-salana-uk-2021/>

Discussion

- Kifer recite sa verset enbas la (Ch 4 Verset 2) pendant banne Khutba Nikah?

O banne dimounes! Craigne zot Seignére Ki finne crééé zotte d'ène sél être et Ki finne crééé dépi ça-même, so compagne et Ki dépi ça dé-là, Li finne répanne boucoup zommes ék madames. Et craigne Allah Ki — avec So nom-même zotte faire appel ène are l'aute et craigne Allah sirtout concernant banne liens parenté. En vérité, Allah sirveille zotte.

- Ki banne enseignements sa verset-la contenir ki nous bizin garde en tête ?

Réflexion personnelle (à la maison)

Sa verset-la mette 'la crainte d'Allah' côté à côté avec 'le respect de banne liens parenté', et par sa li souligne l'importance pou ena bon traitement envers nous proches, ene principe lor lequel le Qur'an mette beaucoup l'accent.

Couma mo traite tous mo banne proches ? Eski ena certains relations lor ki mo bizin travaille et améliorer?

Choisir ene partenaire

En ceki banne rishta, li pas nécessaire ki ene tifi accepter ene rishta (proposition de mariage) suggéré par so parents, si tifi la pas pe d'accord. Dans l'Islam, ene madame ena sa droit la ; si li pas accepter ene tel rishta, pas kapave même faire ene tel mariage.

Si nous observe l'époque avant l'Islam, nous apprane ki partout kot banne parents ti décide pou marier so tifi, ti pe fixer zot mariage coume sa même. Ziska azordi, dans certains pays défavorisés, banne tifi encore faire face à pression de zot parents pou marier avec certains garçons. Même après ki zot émigré vers banne pays développés, certains parents continuer suivre sa banne pratiques ignorant là et zotte dire ki ziss avec zot consentement ki tifi la kapave marier, sinon li bizin subir banne traitements extrêmement durs.

En ceki concerne banne rishta, meilleur méthode pou adopter ceki parents faire du 'a, ensuite exprime zot souhait ; mais zot pena droit force zot tifi.

L'Islam fine alle ziska dire ki si ene mariage conclu contre volonté d'ene tifi, alors ene tel mariage li invalide et pas correct.

(Sahih al-Bukhari, Sahih Muslim, Kitab al-Nikah)

Ref : <https://www.alislam.org/true-emancipation-through-the-everlasting-teachings-of-islam-english-translation-of-huzoors-address-in-ladies-session-of-jalsa-salana-uk-2021/>

L'amitié entre missier et madame dans le mariage

Le Messie Promis (as) fine dire :

“Banne missier bizin traite zot épouses coumadire zot deux camarade proches et sincères. C'est banne madames même ki pou banne premiers pou témoigner lor niveau morale ki zotte missier posséder et ainsi relation ki sa banne missier la ena avec Allah. Si ene missier so relation envers so madame pas correct, be kouma li possib pou sa missier la ena ene bon relation avec Allah Ta 'ala ?”

(Malfuzat [Urdu], Vol. 3, pp. 300–301)

Le Saint Prophète (saw) fine dire :

خَيْرُكُمْ خَيْرُكُمْ لِأَهْلِهِ

Ki veut dire : ‘*Meilleur parmi zotte, c'est celui ki meilleur dans so comportement envers so famille.*’

Le Messie Promis (as) fine dire bien clairement ki, en ceki concerne zotte droits, missiers et madames tous les deux pareils. Li fine dire ki si banne missiers pas ena ene bon relation avec banne madames, alors li pas possible non plus pou être en harmonie avec Allah. Ene missier bisin comprend ki pou faire Allah plaisir, li bisin accomplir droits de so madame.

Relation ki ena entre 2 camarade proches li ene kitsoz ki bien fort. Le Messie Promis (as) fine dire ki dans le mariage aussi, bizin créer ene tel lien. Au début du mariage même , missier et madame forme ene l'amitié et dire : ‘Nous banne bien bons camarades.’

Relation entre missier et madame

Huzur (atba) dire ki de nos jours, li gagne buku complaintes lor banne désaccords dans le mariage. Parfois, faire banne accusations contre banne madames et zot subir mauvais traitements de la part de zot missier et zot belle-famille.

Huzur dire aussi : « Donc, selon commandement d'Allah pou “faire rappel” et aussi a travers responsabilité ki Allah fine mette lor moi pou conseiller et donne conseils avec l'espoir ki sa conseils la pou porte so fruit, mo pou essaie donne quelques conseils. Mo faire dua ki Allah mette bénédictions et créer ene tel l'effet dans mo banne paroles ki tous banne lacazes ki pé casser, vine couma paradis.

Conseils de nous bien aimé Khalifa lor le mariage :

1. Premier instruction de banne versets Qur'an ki nous lire pendant Nikah, c'est adopter Taqwa et suivre la droiture. Le couple accepter pou agir selon banne

conseils ki pe donner au moment du Nikah ; zot donne zot consentement pou sa l'engagement la sous sa banne commandements la. Donc en réalité, si zot ena vrai l'amour et la crainte de zot Seigneur dans zot le cœurs, alors zot pou faire ziss banne actions ki faire Allah plaisir, ainsi zot pou gagne So banne bénédictions.

A travers le Nikah, missier et madame liés ensam par ene pacte. Si au moment du Nikah zot promette pou accomplir droits l'ene envers l'autre, alors li zot responsabilité pou embellir encore plus sa relation la dans zotte mariage et aussi pou prend soin banne proches de l'autre.

2. Ensuite, zot bizin aussi rappel ki si zot prend en considération sentiments et émotions de zotte prochain, et montrer respect envers banne proches de zotte conjoint, alors banne dimounes ki cherche crée division dans zotte relations, zamais pou réussi. Toujours garde en tête ki parfois dimounes influencé par la société et l'environnement. Si zot fondation basé lor Taqwa, alors Allah pou toujours protège zot contre sa banne attaques sataniques la.

3. Li important ki, missier et madame tous les deux développe la qualité de tolérance dans zot mêmes. Parfois, banne mariages cassé au commencement pou bann tipti zafer. Ena cas kot zis quelques jours après mariage, le couple décider ki pena compatibilité entre zot, même si fiançailles ti fini faire bien longtemps. Ensuite, kan ine decide pou séparer, ena sa problem la aussi ki zot pas resse discret concernant banne zafaires privés de l'un envers l'autre et zot dévoile zot secrets en public.

4. Certains de zot banne amis proches contan donne conseils zis pou profite de la situation. Et lerla, akoz zot l'habitude donne mauvais conseils, zotte propose banne suggestions ki pas bons. Akoz sa, certains mariages fini par cassé. Donne conseil li ene *amanat* (responsabilité / confiance). Donc, si sa banne couples la, jeunes ou vieux, cherche guidance avec kikene, alors li responsabilité d'ene musulman Ahmadi pou donne conseil ki construire ene lakaz, et non pas ene conseil ki casse ene lakaz.

5. Missier et madame tous les deux kapave couvert défauts et faiblesses l'un de l'autre si zot contrôle zot colère et ena la crainte d'Allah dans zot le cœurs. C'est pour sa raison-la ki Allah Tout-Puissant fine attire l'attention dans le Saint Qur'an lor le terme "Libaas-ut-Taqwa" (vêtement de la droiture / piété). Missier et madame ki vêtements l'un pour l'autre, bizin inculquer Taqwa dans zot relation devant la société ainsi ki dans zot lakaz. De la même façon , dans la vie ena banne hauts et bas et banne relations passe par différents stages. Capav ena difficultés, mais ena aussi l'amitié. Dans tous les cas, banne couples mariés ki ena Taqwa bisin pas dévoile banne informations privés lor zot prochain. Au contraire, pou gagne plaisir d'Allah, zot bisin reste discrets.

Donc sa c'est "vêtement de la droiture (Libaas-ut-Taqwa)", ki pas seulement couvert l'apparence physique, mais aussi couvert défauts et faiblesses lezot. Tant ki ene dimoune pas tourne li mem vers Allah, li pas possible pou sa dimoune la atteindre sa. Parski Satan toujours prêt

pou rode moyens pou enlève vêtement de
Taqwa de banne dimounes droits.

Reference : Book “Garments for each other”

Discussion

- Ki qualité lien bizin ena entre missier et madame, et couma nous capav atteindre sa ?
- Kifer tolérance li important dans la vie conjugale ?

6. Additional activities (Quiz/ Fun games etc) – To be organised as per members' preferences.

--End of Tarbiyyat Class--

Réflexion personnelle (à la maison)

- Eski mo montre patience et tolérance dans mo relation envers mo missier ou envers lezot membre de mo fami?
- Eski mo garde défauts de mo conjoint couvert ou mo expose zot ?
- Eski mo comportement aider pou construire mo lakaz ou le contraire ?





*Si zotte faire reformation 50 pourcent
de banne madames, l'Islam pou
gagne la victoire.*

– Hazrat Musleh Maud (ra)